



世界書局印行

景印
摘藻堂

四庫全書薈要

集部
第七
別集
第五
類





本冊目次

書名及撰人

滄溟集三十卷 明李攀龍撰

卷次

卷一至卷三十

頁次

四二二一

欽定四庫全書薈要

集部
滄溟集卷二

詳校官候補通政司經歷臣郭祚熾

欽定四庫全書薈要

滄溟集目錄

卷一

古樂府

卷二

古樂府

附三言四言

卷三

五言古詩

欽定四庫全書

滄溟集
目錄

卷四

五言古詩

卷五

七言古詩

卷六

五言律詩

卷七

五言律詩
七言律詩

卷八

七言律詩

卷九

七言律詩

卷十

七言律詩

卷十一

七言律詩
五言排律

欽定四庫全書

滄溟集
目錄

卷十二

七言排律
七言絕句

卷十三

七言絕句

卷十四

七言絕句
六言律詩
六言絕句

卷十五

賦
頌
序

卷十六

序

卷十七

序

卷十八

序

卷十九

記

欽定四庫全書

滄溟集
目錄

卷二十

傳

卷二十一

墓誌

卷二十二

墓誌

卷二十三

墓誌
墓表
神道碑
行狀
祭文

卷二十四

祭文

卷二十五

雜文

卷二十六

書

卷二十七

書

卷二十八

書

卷二十九

書

卷三十

書 附錄

臣等謹案滄溟集三十卷明李攀龍撰攀龍

字于鱗山東歷城人登嘉靖甲辰進士歷官

至河南按察使是集凡詩十四卷文十六卷

附錄志傳表誄之文於後明代文章初以春

容典雅為宗久之漸流為庸熟正德間李夢

陽崛起北地倡為復古之學戒天下無讀唐

以後書風氣為之一變攀龍引其緒而暢闡

之殷士儋誌其墓稱文自西漢以下詩自天

寶以下若為其毫素汚者輒不忍為故所作

一字一句摹擬古人與太倉王世貞通相倡

和傾動一世舉以為班馬李杜復生于明至

萬歷間公安袁宏道兄弟始以贗古詆之天

啟中臨川艾南英排之尤力今觀其集古樂

府割剝字句誠不免剽竊之譏諸體亦亮節

較多微情差少襟文多詰屈其詞塗飾其字

誠不免如諸家所譏然攀龍資地本高記誦

亦博其才力富健凌轢一時亦有不可磨滅

者汰其膚廓擷其英華固亦豪傑之士譽者

過情毀者亦或太甚也乾隆四十二年二月

恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

滄溟集
目錄

六

欽定四庫全書薈要卷一萬七千一百二十四

集部

滄溟集卷一

明 李攀龍 撰

古樂府

胡寬營新豐士女老幼相携路首各知其室放
犬羊雞鶩於通塗亦競識其家此善用其擬者
也至伯樂論天下之馬則若滅若沒若亡若失
觀天機也得其精而忘其麤在其內而忘其外
色物牝牡一弗敢知斯又當其無有擬之用矣

欽定四庫全書

滄溟集
卷一

古之為樂府者無慮數百家各與之爭片語之
間使雖復起各厭其意是故必有以當其無有
擬之用有以當其無有擬之用則雖奇而有所
不用也易曰擬議以成其變化日新之謂盛德
不可與言詩乎哉

黃澤辭

四首

皇之縻其馬八驪皇人委蛇
皇之水其馬駉耳皇人受祉

皇之曲浴其馬沃若皇人薄薄

皇人孽孽其馬歆雪我心如結

白雲謠

白雲在天山陵逶迤率彼東土諸夏間之將子能來

瑤池謠

白雲在山亦洽而野予歸三年將顧見女

南山歌

南山白石白離離爾牛之角何其悲車下短衣歌者誰

欽定四庫全書

卷一

二

國有叔牙當見知佐命伯王獨後來

越人歌

山有隈兮江有汜歌擁桡兮見王子揄修袂兮披長雲

舉繡被兮風紛紛蒙詬恥兮心靡它君不知兮可奈何

采葛婦歌

臥下之薪何綢繆欲寐不寐思寇讐我今采葛以遨遊

易水歌

繚天兮白虹蕭蕭兮北風壯士怒兮易水飛羽聲激兮

雲不歸

垓下歌

從美人擁駿馬涕從橫兮垓之下

大風歌

大風沸兮雲薄天驅萬乘兮紛來旋紛來旋兮沛之宮

士桓桓兮福攸同

秋風辭

秋風蕭蕭兮白雲晶晶草木黃落兮鴻鴈于征蘭可佩

欽定四庫全書

卷一

三

兮菊可餐遺佳人兮汾之干挾飛龍兮下中流橫大波

兮放遠遊靈偃蹇兮翳日來憺容與兮紛裴徊顧帝京

兮何壯哉

天馬歌

天馬下閭闔開汗以血駢離哉河之精龍之子視浮雲

無萬里絕流景躡遺風今安駕幸回中天馬徠從西極

經千里歸有德天馬徠竦予身挾飛電化若神天馬徠

循東道承靈威服帝阜天馬徠歲執徐陞四海將安如

天馬徠出嶠山逝昆侖排玉關天馬徠龍為友北擊胡
驅羣醜

李夫人歌 三首

去邪來邪就而視之紛何被被其徘徊
寤邪夢邪就而視之包紅顏其弗明

步儼儼者誰邪就而視之風何蕭蕭其蔽帷

隴上歌

隴上壯士乘驕驄帶桑韃服挾秦弓七尺大刀搏白虹

欽定四庫全書

卷一

四

丈八蛇矛盤怒風戰始三交失大刀且盪且走亡其曹
棄我驕驄巖中逃為我謂烏為客豪隴上之水流潺潺
壯士一去不復還

蹄林歌

單于庭陰山下漢家和親刑白馬刑白馬祭龍城今年

蹄林大會兵

饒歌 十八首

朱鷺

朱鷺獵其纓茄下行魚在梁縱復橫鵜何飛濡其羽上
書諫明主

思悲翁

思悲翁鳳凰安宿阿閣中奪我美人思悲翁鳳凰飛上
天梟子拉沓隨轉蓬狗逐狡兔走取爾梟子食梟母

艾如張

艾而張羅羅若雲中有黃雀呼其羣毛羽摧頽離哉紛
山出黃雀山嵯峨鴻鵠絕四海君亦難為羅我欲從之

欽定四庫全書

卷一

五

讒言多鴻鵠徘徊奈雀何

上之回

上之回蕭關開以待邊單于臺勒兵十八萬羽林材振
大旅鬪長馳驚匈奴臣月支朝諸侯王甘泉宮郡國受

計福來同

翁離

擁離趾中可築宮蘭用葺之艾爾蓬擁離趾中

戰城南

戰城南走城北轉關不利號路側謂我梟騎且行出攻
寧為野鳥食不逐鴛馬徘徊蒲葦中水深黝黝蒲葦驚
鷺鳥亦自不去客亦自不豪梁以集鳥子五鳥母六禾
黍不食攫腐肉願為忠臣何可覆傷子良臣良臣誠可
傷遠道之人枯骨何葬

巫山高

巫山高自言高江水深自言深勿復相思君有他心山
以蔚蔚水以湯湯何用度之石用梁徘徊遠望泣下霑

欽定四庫全書

卷一

裳願託黃鵠東歸故鄉

上陵

上陵亦誠美下津以尚羊問客從何來自言水中央菱
荷為君衣芙蓉為君裳木蘭為君佩江離間杜蘅銅池
之芝以九莖光華燭夜披金英鳳凰之集乍開乍合蜚
覽上林曾不知日月明赤翅之鴻翁雜相隨白鴈何蔚
蔚雲為車風為馬游閭闔守謁者五色露何泥泥乃在
仙人金掌中凝如膏美如飴願奉我主飲延年萬歲期

將進酒

將進酒稱我觴紛佳哉以浩倡心所作未嘗聞徘徊三
歎一為君君之臣明四時和國有良工悉索歌觀者不
苦奈子何

君馬黃

君馬黃臣馬驪二馬異體同權奇徘徊四海美人子二
馬相得以千里故東非我東西非我西南非我南北非
我北駕如六飛龍之翼路皆邪謂何覽遨遊安終極二

欽定四庫全書

卷一

馬視駕馬局促食轅下將以問馭者

芳樹

芳樹如此之蔚蔚上有黃鵠以翱翔下飲蘭池鳴鏘鏘
二而為侶三而為行芳樹拉雜黃鵠傷秋風蕭蕭思其
鄉妬人之子妬殺我君有它心無不可黃鵠高蜚亦有
羅目欲顧之奈樂何

有所思

有所思乃在燕山隅何用問遺君大秦明月珠結以連

理帶薦以合歡襦又何問遺君青絲係玉環可直千萬
餘翠羽紹繚之黃金錯其間聞君有它心拉雜其珠摧
其環摧其環臨高臺反袂以障之當風揚其灰從今以
往勿復相思若復相思有如此珠有如此環非我可為
雞鳴狗吠我視兄嫂不言謂何東方須臾高奈何

雉子班

雉子班如此之趨蹌蹌雄來蜚從雌拉沓曳水集于梁
目以顧之蔚蔚冥冥父而張羅雉子知得奈我何王孫
有羅以雉子黃鵠之羅當千里駕以南駕以北朝行出
遨遊暮從美人食

聖人出

聖人出應燦怒赫炎精文教洽武功成寒暑德河海清
駕六龍何駢離聖人哉聖人御天以調之日月星辰和
四時郡國吏功上所治君之臣明遠如期

上邪

上邪我欲與君同心樂以不可禁相思紹繚讒言罔極

大駕六龍處天側日月出入滄海中妬人之子難為工

臨高臺

臨高臺望江水江水之流以千里黃鵠知得高蜚止願
遺香草美人子闕弓問鵠從何來我主萬年亦誠哉禾
黍不獲鵠何食遨遊四海安終極

遠如期

遠如期宜四海皇帝日月所置有甘露三載單于自歸
大佳以萬人稽首陛下北藩臣左右賢王奉國珍謁者
令引之鄉殿陳橐佗拉沓就羽蒙戎酪酒乃是關氏之
所飲馱駟生自余吾中將進酒顧其豪撓以留犁徑路
刀何用賜之黃金犀毗赤綈錦袍扶伏沮澤曾不知天
子神靈從今以往但居光祿塞下不願歸庭

石流

石流津以梁無敢曳水君安所薄秋風湯湯東飛者鵠
北逝者河中有冥冥之白沙遠道之人謂之何蘭以有
香君不知願言懷之遺所思

五鳳曲

梧桐生高岡鳳凰鳴中央三百六十鳥翁雛朝四方具
東鳴青鵠其西鳴鸛鷖鷺鷥鳴其陰鵲雀鳴其陽

精列

欲何為雖有一介志慷慨非其時慷慨非其時言從吾
所好混迹於鴟夷入宮無美女名士常見持名士常見
持卞和乃衛足白璧以終疑白璧以終疑還君十五城
抱之寧自奇抱之寧自奇周孔聖殂落世人莫我知雖

欽定四庫全書

卷一

有一介志慷慨非其時

東光

胡兒平倭奴何不平倭奴利水戰海塹船為城諸軍毅
騎士馳射難縱橫

對酒

對酒歌陽春含意未能申請客聽其真男兒居世無依
因誠獨難自絕於要津視扶風稱三輔吏共理之臣奉
職亦何狀盤桓磬折關石和鈞為積書以報諸天官自

公卿大夫士咸領其人以君子經綸是時賤玉而貴珉
獨蹶迫獲落非其倫素無跣跣之才四載不遷敢辭於
積薪此道當何以具陳彷徨所欲歸潔其身

鳥生

黃口四五雀羅坐秦氏桂樹間啾啾樹上蠹母子相哺
自言安啗我三河不知為誰家有輕薄少年臂坐一鷄
子鷄子小小如人拳出入雀東西一縱即中兩黃口毛
羽摧頽魂魄飛上蒼浪天鷄子下來還少年阿母生黃

欽定四庫全書

卷一

十一

口時乃在高堂樽櫨間啗我人民安知雀乳處窈窕紫
深宮中安從通白兔乃在平原大澤中羅者尚復得脯
腊之啗我猛虎斑斑南山間射工尚復得枕藉之明珠
乃在合浦深淵中後宮尚得剖以綴其襦啗我人民生
各有壽命何須尚復計會賢愚

平陵東 二首

太山陽瑯琊有美一人坐明堂坐明堂以王者德大
從羣臣朝萬國朝萬國如會同顧見白雲生封中生封

中禪梁父今上皇帝聖神主

其二

陰山傍馬牛羊不知何人城朔方城朔方絕大荒虜兩
關氏一賢王一賢王戰失利拔胡將軍顧驃騎顧驃騎
曰歸止單于敢望漢天子

陌上桑

日出東南隅照我西北樓樓上有好女自名秦羅敷羅
敷貴家子足不踰門樞性頗喜蠶作采桑陌頭上枝

欽定四庫全書

卷一

十三

結籠係下枝挂籠鉤墮髻何繚繞顏色以敷愉絢綺為

下裙紫綺為上襦行者見羅敷下擔故綢繆少年見羅

敷袒裼出臂購樵者忘其新蜀者忘其蜀來歸但怨怒

且復坐斯須解使君自南來駐我五馬車遣吏前致問

為是誰家妹羅敷小家女秦氏有高樓西隣焦仲卿蘭

芝對道隅羅敷年幾何十五為人婦嫁復一年餘力桑

以作苦孰與使君俱使君復為誰蠶桑所自娛小吏無

所畏使君一何迂羅敷他人婦使君他人夫解東方千

餘騎夫壻居上頭左右三河長負弩為先驅何用識夫

壻飛蓋隨高車象牙為車軫挂樹為輪輿白馬為上襄

兩驂皆驪駒青絲為馬勒黃金為轡頭腰中千金劍自

名為鹿盧起家府小吏拜為朝大夫稍遷郡太守出入

專城居月朔朝京師觀者盈路衢為人既白皙鬚鬢有

髭鬚四十尚不足三十頗有餘座中數千人皆言夫壻

殊解

王明君吟

欽定四庫全書

卷一

十三

我本良家子承恩入漢宮光彩射綺羅語笑生春風君

王希召幸在遠誰為通漢宮三十六處處種梧桐美女

八千名各各分當熊黃金買顏色丹青多益工寧知佳

麗人不出所圖中黃金猶糞土丹青復何功顏色非可

恃粉黛故難同因念長門賦夙昔亦相蒙君王寵自誤

賤妾以和我豈惜賤妾去但惜長門空涕泣願長門從

此逐秋蓬

安期生

安期生參駕白鹿雲中行參駕白鹿雲中行下遊來安
期生白鹿皎皎金為羈玉為纓顧見蓬萊三山十二城
安期生自署其名過謁四海五嶽後從麒麟赤鳳迎禹
湯文武不足令我今上應太平擁護左右賢公卿稽
首聖人大道成仙女羅坐吹笛笙天神八面侍衛明流
鳥銜符翔殿廷悲吟我主享萬年皇帝求一得命延

長歌行 三首

嗟我谷中蘭猗猗復英英秋氣日夜至鵲鳩乃先鳴百

欽定四庫全書

卷一

十四

草不重芳霜露浩縱橫栖就一役慷慨非其情少壯
復何為老大無成名

其二

仙人攬紫芝熒熒如芙蓉兩耳委其肩短髮以蒙茸侍
從幾玉女導我入雲中奉我一丸藥期我於空同服之
生羽翼綽約變形容顧見雲中鹿婉婉成白龍

其三

累累城上星河漢流清光耿耿不能寤寐言起彷徨仿

徨立中庭遼遼夜未央白雲塗我衣壯風吹我裳還坐
顧四壁蘭燈一何明緘書寄遠道涕泣下縱橫倦鳥無
故林遊子無故鄉驅車出門去徒侶相扶將

短歌行

駟馬可縻去日難追清酒載觴短歌苦悲邀當以遊何
能坐愁全身遺名唯有莊周鳳凰于飛覽彼九園但為
君故駕言旋歸杜門似鄙離俗似驕彷徨所欲此一何
勞斑斑猛虎其尾可履鬱鬱壯心猝不可抵傾側勢利
還自相戕覆車不戒躊躇鴈行秋風駢轉蓬如輪飄
揚四野莫知所臻鳥不厭高魚不厭深爾其肆志載浮
載沉

當鰕鮒行

日月揚光華雲漢垂文章五嶽高摩天江海百谷王周
孔聖有作大雅宣淪亡曲士徒嗷嗷此道非所詳嗟予
滯末位慷慨志四方左伏吳越波右以管中行立髮而
虎視厲馬撫干將吾謀適不用駕言歸故鄉

欽定四庫全書

卷一

十五

董逃行

吾欲上謁從蓬萊遨遊三山戲九垓閭闔誅蕩開班璘
宮闕樓臺流光倒景徘徊但見織女弄杼往來白榆紫
纍支機十二枚河流逶迤但見丈夫牽牛飲其隈問爾
凡吏所為容謝主人樂哉教敕酌彼金罍織女長跪進
酒牽牛陪桂樹一何摧頽嫦娥端坐領其頤白兔抱杵
戛樹蝦蟇裁采取甘露一玉杯服此露壽以崔嵬服此
甘露顏色自好陛下長生不老坐享萬年有道君臣歡

欽定四庫全書

唐虞集

如魚藻陛下長與天相保

塘上行

塘上雙鴛鴦芙蓉翳其陰不自行仁義何能知妾心青
蠅一墮耳琴瑟難為音新人入宮時意已無同衾君子
在萬里顏色安可任念妾平生時豈謂有中路新人斷
流黃故人斷紉素新人種蘭若故人種桂樹新人操陽
春故人操白露新人日以驩故人日以悲浮雲顧我庭
北風動我惟思愛儻中還皓首以為期

秋胡行 四首

太行易驅仕路難為工太行易驅仕路難為工諛佞喪
志聲折不來自負者忌自異者攻智力相御莫知所終
歌以言之仕路難為工

其二

河清可須鍾期未易逢河清可須鍾期未易逢國士見
知非以先容雖有骨肉中懷莫從伯牙絕絃甘此不恭
歌以言之鍾期未易逢

欽定四庫全書

唐虞集

其三

閭姤相成周客一何踈閭姤相成周客一何踈維彼燕
石明月是居爰發深藏庶用見譽即曰瓦甓孰抹其初
歌以言之周客一何踈

其四

好惡何常顯者易為名好惡何常顯者易為名一犬吠
形百犬吠聲如草偃風夜蟲附明西子雖姣不屬于盲
歌以言之顯者易為名

相逢行

相逢狹斜間，狹斜不容車。不知何年少，夾轂問君家。君家誠易知，甲第城南隅。黃金為君堂，白玉為門樞。坐客高堂上，擊鐘吹笙竽。將軍起行酒，何論馮子都。兄弟兩三人，出入長相須。大子侍中郎，中子中大夫。小子復何官，稍遷執金吾。五日一來歸，觀者羅長衢。二弟為鴈行，長兄上頭居。東方千餘騎，兄弟一何殊。入門遊後園，銀牀纏轆轤。梧桐十二樹，一鳳將九雛。梧桐自相值，鳳凰自相呼。音聲何啾啾，枝葉以扶疎。大婦董妖嬈，中婦秦羅敷。小婦邯鄲女，顏色世所無。大人且安坐，為樂良未徂。

欽定四庫全書

卷一

十八

燕歌行 二首

秋風蕭瑟吹我裳，蟋蟀寥寥啼我牀。出門四顧非故鄉，誰能客遊不斷腸。短歌微吟激繁霜，浮雲千里一彷徨。仰看明月流清光，二十八宿羅成行。高臺非閣遙相望，河漢縱橫難為梁。胡馬北鳴，鴈南翔。憂來不知從何方。

慙慙伏枕聊自當，涕從中零安得防。豈不懷歸道阻長。

其二

會日苦少別日多，為君盛年行蹉跎。憂來援琴聊短歌，羽聲慷慨調不和。悲風四起揚塵沙，浮雲摧頽互相加。人生奄忽若春華，誰家客遊常無家。中曲不覺淚滂沱，攬衣出戶夜如何。眾星歷歷月低河，鴻鴈嗷嗷鳴相過。欲往從之畏尉羅。

善哉行 二首

欽定四庫全書

卷一

十九

來日難期少，合多離今日。相樂不醉何為，寥寥北堂哀。竹苦絲短歌裂耳，慷慨以悲白。日云沒秉燭繼之何晝，何夜追我盛時烹肥擊鮮，斗酒自隨。安知王喬八公者，誰促坐行觴交屬所私。百年如寄，當復何疑。慙慙惜費，智者所嗤。計會有無，將以奚遺。

其二

巢父潔身天下為，汙四岳九官而無匹。夫傳說築巖維時，商賈爰立作相，不俟終日尚避海濱。二老是麗，既載。